

Supervizor za Brčko izdaje naloge koji imaju za cilj da dovrše provedbu arbitražnih odluka za Brčko



Supervizor za Brčko dr Raffi Gregorian danas je izdao tri naloga supervizora putem kojih se usklađuju Statut i zakonodavstvo Distrikta sa Amandmanom I na Ustav Bosne i Hercegovina i sa odlukama visokog predstavnika od 18. rujna 2009. godine kojima se donose izmjene i dopune entitetskih i državnog zakona o državljanstvu.

Jednim od ovih naloga donose se izmjene i dopune Statuta Brčko Distrikta i Zakona o sudovima Brčko Distrikta tako da odražavaju sadržinu Amandmana I na Ustav Bosne i Hercegovine koji je u ožujku ove godine usvojila Parlamentarna skupštine Bosne i Hercegovine.

Izmjenama i dopunama se dodatno unapređuju učinkovitost i funkcionalnost sudova Brčko Distrikta i osigurava zaštita interesa, statusa i ovlasti Brčko Distrikta putem efikasnih sudskih postupka nakon okončanja režima supervizije.

Drugim dvama nalogima supervizora donose se izmjene Statuta i Naloga supervizora od 4. kolovoza 2006. godine kojim se proglašava prestanak pravnog značaja međuentitetske linije razgraničenja u Brčko Distriktu time što se omogućava primjena entitetskih zakona o državljanstvu u Brčko Distriktu sukladno odlukama koje je visoki predstavnik donio 18. rujna 2009. godine kojima se donose izmjene državnog i entitetskih zakona o državljanstvu. Tim odlukama uspostavlja se mehanizam koji stanovnicima Distrikta omogućava da promijene svoje entitetsko državljanstvo, kao što je to navedeno u stavu 1 Aneksa Konačne

odluke iz 18. kolovoza 1999. godine.

Supervizor smatra da je time uspostavljen potpun i suvremeni pravni okvir u svezi sa pitanjem državljanstva koji je u interesu svih stanovnika Distrikta. Podjednaka primjena, bez diskriminacije, ipak ovisi od usvajanja odluka visokog predstavnika od strane Republike Srpske.

«Tehnički amandmani koje sam danas donio putem svojih naloga potiču izravno iz Konačne arbitražne odluke i pomažu da se ispune uvjeti koji su neophodni kako bih mogao da izvijestim Arbitražni tribunal da institucije Distrikta funkcioniraju «učinkovito i po svemu sudeći trajno», rekao je supervizor.